

Հաստատված է
Երևանի մշակույթի և արվեստի պետական թուղթի
Տնօրենի պաշտոնակատարի 08.10.2020 թ. N Հ/ք 13-2/20-1 հրամանով



«ԵՐԵՎԱՆԻ ՄՇԱԿՈՒԹՅԱՆ ԵՎ ԱՐՎԵՍՏԻ ՊԵՏԱԿԱՆ ՔՈՒԼԵԶ»

ՊՈԱԿ-Ի ՈՒՍԱՆՈՂԱԿԱՆ ԽՈՐՀՐԴԻ ՁԵՎԱՎՈՐՄԱՆ

ԿԱՐԳ, ԿԱՆՈՆԱԴՐՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ

1.1 Սույն կանոնադրությամբ կարգավորվում է «Երևանի մշակույթի և արվեստի պետական թուղթ» ՊՈԱԿ-ի (այսուհետ՝ հաստատություն) ուսանողական ինքնավարության մարմինների ձևավորումը, գործունեությունը, լիազորությունները, ինչպես նաև հաստատության կառավարման և խորհրդակցական մարմինների հետ կապված իրավահարաբերությունները:

1.2 Հաստատության սովորողների ընդհանուր ժողովը իրավասու է սույն կանոնադրության հիման վրա ստեղծել հաստատության ուսանողական խորհուրդ և ընդունել իր կանոնադրությունը՝ դրան համապատասխան իրականացնելով սովորողների ինքնավարությունը:

1.3 Ուսանողական խորհուրդը ապաքաղաքական, ապակուսակցական կազմակերպություն է, ստեղծվում է ժողովրդավարության և ինքնավարության սկզբունքներին համապատասխան հաստատության գործունեության կազմակերպմանը նպաստելու, անմիջականորեն իրենց վերաբերող հարցերի մասին սովորողների կարծիքի ազատ արտահայտումն ապահովելու և սովորողների իրավունքների ու պարտականությունների վերաբերյալ հաստատության կանոնադրության դրույթների պահպանումը վերահսկելու նպատակով:

1.4 Ուսանողական խորհուրդը սովորողների ինքնավարության և ինքնակառավարման լիազորություններով օժտված ներկայացուցչական մարմին է, որի գործունեության հիմնական սկզբունքներն են կամավորությունը, սովորողների իրավահավասարությունը, կառավարման կոլեգիալությունը և հրապարակայնությունը:

1.5 Սովորողները կարող են ըստ իրենց նախասիրությունների ստեղծել նաև ակումբներ, միավորումներ, որոնք նույնպես հանդիսանում են սովորողների ինքնավարության զարգացմանը նպաստող օղակներ և գործում են սույն կանոնադրության 1.4-րդ կետում շարադրված սկզբունքների համաձայն:

1.6 Ուսանողական խորհուրդը իր գործունեության ընթացքում ղեկավարվում է Հայաստանի Հանրապետության օրենսդրությամբ, քոլեջի կանոնադրությամբ և սույն կանոնադրությամբ:

1.7 Ուսանողական խորհուրդը կարող է ունենալ իր անվամբ ձևաթղթեր, խորհրդանիշ և անհատականացման այլ միջոցներ, որոնց վրա ուսանողական խորհրդի հայերեն անվանումը պարտադիր է:

1.8 Ուսանողական խորհուրդը Հայաստանի Հանրապետության օրենսդրությամբ սահմանված կարգով կարող է համագործակցել Հայաստանի և օտարերկրյա կրթական հաստատությունների սովորողների ինքնավարության մարմինների ու կազմակերպությունների հետ:

2. ՍՈՎՈՐՈՂՆԵՐԻ ԻՆՔՆԱՎԱՐՈՒԹՅԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

2.1 Սովորողների ինքնավարության հիմնական խնդիրներն են՝

1. ապահովել ուսանողների մասնակցությունը քոլեջի կառավարմանը.

2. պաշտպանել սովորողների իրավունքները և շահերը.

3. ներկայացնել հաստատության կառավարման համապատասխան մարմիններին սովորողներին առնչվող հարցեր.

4. նպաստել համակողմանիորեն զարգացած, հայրենասիրության, պետականության և մարդասիրության ոգով դաստիարակված անձի ձևավորմանը.

5. Նպաստել ժողովրդի հոգևոր և մտավոր ներուժի ամրապնդմանը, ազգային և համամարդկային արժեքների պահպանմանն ու զարգացմանը.

6. նպաստել հաստատությունում ժողովրդավարության, սովորողների ինքնակազմակերպման և ինքնակառավարման կարողությունների զարգացմանը.

7. օժանդակել սովորողների ինքնադրսևորման, կարծիքի ազատ արտահայտման համար բարենպաստ պայմանների ստեղծմանը.

8. օժանդակել սովորողների իրավունքների և պարտականությունների լիարժեք գիտակցմանն ու իրացմանը.

9. օժանդակել սովորողների առողջության, կյանքի անվտանգության, սոցիալական ապահովության ուղղությամբ իրականացվող միջոցառումներին աջակցելով սովորողների նախաձեռնությունների ապահովմանը.

10. օժանդակել հաստատությունում սովորողների կրթության և ինքնակրթության, նրանց համակողմանի զարգացմանն ուղղված ծրագրերի իրականացմանը.

11. օժանդակել սովորողների, նրա պատշաճ վարքի և վարվելակերպի ձևավորմանը, քաղաքացիական հասարակության կայացմանը և զարգացմանը, իրավական, յոդովրդավարական պետության կառուցմանը:

3. ՍՈՎՈՐՈՂՆԵՐԻ ԻՆՔՆԱՎԱՐՈՒԹՅԱՆ ԲԱՐՁՐԱԳՈՒՅՆ ՄԱՐՄԻՆԸ (ՍՈՎՈՐՈՂՆԵՐԻ ԸՆԴՀԱՆՈՒՐ ԺՈՂՈՎ)

3.1 Հաստատության սովորողների ինքնավարության բարձրագույն մարմինը հաստատության սովորողների պատվիրակների ընդհանուր ժողովն է /այսուհետ՝ ժողով/:

3.2 Ժողովի պատվիրակներ են ընտրվում մասնագիտություններում գործող յուրաքանչյուր խմբից 1 ուսանող:

3.3 Ընտրությունները կատարվում են ըստ խմբերի սովորողների ժողովներում: Ժողովն իրավագոր է, եթե ներկա են խմբի սովորողների կեսից ավելին: Ընտրությունը կատարվում է բաց քվեարկությամբ: Եթե 2 անգամ հրավիրված ժողովին չի մասնակցում սովորողների կեսից ավելին, ապա կարող է որոշում ընդունվել և ընտրությունները կազմակերպել ներկա սովորողների մասնակցությամբ: Ընտրված է համարվում առավելագույն ձայներ հավաքած թեկնածուն:

3.4 Սովորողների պատվիրակների ընդհանուր ժողովը (ինչպես նաև առաջին ժողովը) կարող է հրավիրվել և վարվել տնօրենի, տնօրենի ժամանակավոր պաշտոնակատարի, ուսումնական աշխատանքի գծով տնօրենի տեղակալի, դաստիարակչական աշխատանքի գծով տնօրենի տեղակալի, ուսումնական մասի վարիչի կողմից:

Սովորողների պատվիրակների ընդհանուր ժողովը հրավիրվում է առնվազն տարին մեկ անգամից ոչ պակաս՝ ուսանողական խորհրդի կողմից:

Արտահերթ ժողով կարող է հրավիրվել ուսանողական խորհրդի անդամների 1/3-ի պահանջով կամ հաստատության տնօրենի, տնօրենի ժամանակավոր պաշտոնակատարի, ուսումնական աշխատանքի գծով տնօրենի տեղակալի, դաստիարակչական աշխատանքի գծով տնօրենի տեղակալի, ուսումնական մասի վարիչի նախաձեռնությամբ:

3.5 Հաստատության սովորողների պատվիրակների առաջին ընդհանուր ժողովը որոշում է կայացնում՝

1. հաստատությունում ուսանողական խորհուրդ՝ սովորողների ինքնավարության գործադիր մարմին, ձևավորելու մասին.
2. իր կազմից ընտրում և ձևավորում է հաստատության ուսանողական խորհուրդ բաղկացած 11 ուսանողից.
3. սույն կանոնադրության հիման վրա հաստատում է ուսանողական խորհրդի կանոնադրությունը.

3.6 Հաստատության սովորողների պատվիրակների ընդհանուր ժողովը.

1. քննարկում է ուսանողական խորհրդի և նրա նախագահի տարեկան հաշվետվությունները և բաց քվեարկության միջոցով տալիս է համապատասխան գնահատական (անբավարար, բավարար, լավ).
2. սովորողների պատվիրակների ընդհանուր ժողովը իրավագոր է, եթե ներկա են պատվիրակների ընդհանուր թվի կեսից ավելին.
3. քննարկում է սույն կանոնադրությամբ իր լիազորությունների սահմաններում նախատեսված այլ հարցեր և ընդունում համապատասխան որոշումներ, որոնց կատարումը պարտադիր է ուսանողական խորհրդի համար:

4. ՍՈՎՈՐՈՂՆԵՐԻ ԻՆՔՆԱՎԱՐՈՒԹՅԱՆ ԳՈՐԾԱԴԻՐ ՄԱՐՄԻՆԸ՝ ՈՒՍԱՆՈՂԱԿԱՆ ԽՈՐՀՈՒՐԴԸ

4.1 Քոլեջի ուսանողական խորհուրդը ձևավորվում է Հաստատության սովորողների ինքնավարության բարձրագույն մարմինը հաստատության սովորողների պատվիրակների ընդհանուր ժողովում՝ բաց քվեարկությամբ:

4.2 Քոլեջի ուսանողական խորհրդի նիստին, խորհրդակցական ձայնի իրավունքով, կարող են մասնակցել կուրսդեկները:

4.3 Քոլեջի ուսանողական խորհրդն իր կազմից 2 տարի ժամկետով ընտրում է ուսանողական խորհրդի նախագահ, (բացառությամբ, եթե ընտրվել է ավարտական կուրսում սովորող ուսանող այս դեպքում նրա լիազորություննը դադարում է քոլեջն ավարտելուց հետո) նախագահի տեղակալ, քարտուղար, հանձնախմբերի համակարգողներ:

4.4 Ուսանողական խորհրդի նախագահ չի կարող առաջադրվել ՀՀ որևէ քաղաքական կուսակցության անդամակցող թեկնածու: Ուսանողական խորհրդի նախագահը ընտրվում է ուսանողական խորհրդի կողմից բաց քվեարկությամբ, ձայների պարզ մեծամասնությամբ, սակայն ոչ պակաս, քան ուսանողական խորհրդի անդամների ընդհանուր թվի կեսից ավելիի մասնակցությամբ: Ուսանողական խորհրդի նախագահի տեղակալը, քարտուղարը և հանձնախմբերի նախագահները ևս ընտրվում են բաց քվեարկությամբ:

4.5 Ընտրության արդյունքները քվեարկությունից անմիջապես հետո ամփոփում և հայտարարում են:

4.6 Ուսանողական խորհրդի նախագահն ընտրվում է երկու տարի ժամկետով (նույն անձը կարող է վերընտրվել, սակայն ոչ ավելի, քան երկու անգամ):

4.7 Ուսանողական խորհրդի նիստերը գումարվում են առնվազն երեք ամիսը մեկ անգամ: Արտահերթ նիստեր հրավիրվում են խորհրդի նախագահի, տնօրենի, տնօրենի՝ ուսունմական աշխատանքի գծով տեղակալի, տնօրենի դաստիարակչական աշխատանքների գծով տեղակալի նախաձեռնությամբ և (կամ) ուսանողական խորհրդի անդամների 1/3-ի պահանջով և (կամ) հաստատության սովորողների ինքնավարության բարձրագույն մարմնի սովորողների ընդհանուր ժողովի որոշմամբ:

4.8 Քվեարկության անցկացման կարգը (փակ կամ բաց) որոշում է ուսանողական խորհուրդը: Որոշումներն ընդունվում են ձայների պարզ մեծամասնությամբ: Հավասար թվով ձայների դեպքում խորհրդի նախագահի ձայնը վճռորոշ է:

4.9 Ուսանողական խորհրդի նիստերը արձանագրվում և հրապարակվում են ուսանողական խորհրդի որոշման համաձայն:

4.10 Ուսանողական խորհրդի գործունեությունը սույն կանոնադրության համաձայն կազմակերպելու նպատակով ստեղծվում են համապատասխան մասնագիտացված հանձնախմբեր:

4.11 Մասնագիտացված հանձնախմբերը կազմավորվում են ըստ գործունեության բնագավառների (ուսումնադաստիարակչական, ռազմամարզական, առողջապահական, սոցիալական, մշակութային, կարգապահական, իրավական, տեղեկատվական և այլն):

4.12 Մասնագիտացված հանձնախմբերի պարտականություններն ու լիազորությունները սահմանվում են ուսանողական խորհրդի կողմից: Հանձնախմբերի կազմում ուսանողական խորհրդի առաջարկությամբ կարող են ընդգրկվել նաև դասախոսներ և համապատասխան բնագավառների մասնագետներ:

5. ՈՒՍԱՆՈՂԱԿԱՆ ԽՈՐՀՐԴԻ ԻՐԱՎԱՍՈՒԹՅՈՒՆԸ ԵՎ

ՊԱՏԱՍԽԱՆԱՏՎՈՒԹՅՈՒՆԸ

5.1 Ուսանողական խորհուրդը՝

5.2 քոլեջի ուսանողների կազմից 3-ի թեկնածություն է առաջադրում լիազորված մարմնին՝ քոլեջի կառավարման խորհրդի կազմում ընդգրկվելու համար.

5.3 կարող է խորհրդակցական ձայնի իրավունքով մասնակցել մանկավարժական խորհրդի նիստերին՝ սովորողներին վերաբերող ուսուցման բովանդակության, գիտելիքների յուրացման որակի, նրանց հետ տարվող աշխատանքների կազմակերպման հարցերի քննարկումներին.

5.4 կարծիք է ներկայացնում հաստատության մանկավարժական խորհրդին՝ առանձին դեպքերում հաստատության ներքին կարգապահական կանոնները խախտելու համար սովորողի նկատմամբ կարգապահական տույժեր կիրառելու վերաբերյալ.

5.5 կարող է ստեղծել ուսանողական ակումբներ, խմբակներ և աջակցում է դրանց աշխատանքների կազմակերպմանը.

5.6 մասնակցում է համայնքին օժանդակող ծրագրերի իրականացմանը.

5.7 արձագանքում և իր իրավասությունների սահմաններում ընթացք է տալիս սովորողների անհատական և կոլեկտիվ առաջարկներին ու դիմումներին.

5.8 աշխատանքներ է տանում սովորողների կարգապահության, հաճախումների և ուսումնական առաջընթացի բարելավման ուղղությամբ.

5.9 աջակցում է հաստատության կառավարման խորհրդի, մանկավարժական խորհրդի և տնօրինության կողմից սովորողներին անմիջականորեն վերաբերող այլ աշխատանքների իրականացմանը.

5.10 իրականացնում է քոլեջի և սույն կանոնադրություններից բխող այլ լիազորություններ:

6. ՈՒՍԱՆՈՂԱԿԱՆ ԽՈՐՀՐԴԻ ՆԱԽԱԳԱՀԻ ԼԻԱԶՈՐՈՒԹՅՈՒՆՆԵՐԸ

6.1 Ուսանողական խորհրդի նախագահը՝

1. ղեկավարում է խորհրդի գործունեությունը՝ նիստերի միջև ընկած ժամանակահատվածում.
2. հանդիսանում է սովորողների ներկայացուցիչը հաստատության մյուս մարմինների հետ փոխհարաբերություններում.
3. հաշվետվություն է ներկայացնում սովորողների ընդհանուր ժողովին՝ ուսանողական խորհրդի և իր կատարած աշխատանքների մասին.
4. համակարգում է խմբերի ուսանողական խորհուրդների և հանձնախմբերի գործունեությունը, ապահովում է խմբերի խորհուրդների և հանձնախմբերի միջև համագործակցությունը.
5. սույն կանոնադրությանը համապատասխան՝ իրականացնում է այլ լիազորություններ:

6.2 Ուսանողական խորհրդի նախագահի լիազորությունները վաղաժամկետ դադարեցվում են այլ հաստատություն տեղափոխվելու, քոլեջն ավարտելու, քոլեջից ազատվելու, հրաժարական տալու, ինչպես նաև նրան անվստահություն հայտնելու դեպքերում /այդ դեպքում հայտարարվում է ուսանողական խորհրդի նախագահի նոր ընտրություններ/:

Անվստահություն հայտնելու նախաձեռնությունը կարող է քննարկվել, եթե այն նախաձեռնվում ուսանողական խորհրդի անդամների 1/3-ի կողմից:

6.3 Ուսանողական խորհրդի նախագահի անվստահության հարցը քննարկվում է ուսանողական խորհրդում, որտեղ լսվում է նրա (նախագահի) կողմից բերվող մեկնաբանությունը հարցի կապակցությամբ:

6.4 Ուսանողական խորհրդի նախագահի անվստահությունը ընդունվում է՝

1. սույն կանոնադրությամբ սահմանված լիազորությունների գերազանցման դեպքում կամ իր վրա դրված պարտականությունները անհարգելի պատճառներով չկատարելու համար:

6.5 Անվստահություն հայտնելու վերաբերյալ որոշումը ընդունվում է, եթե դրան կողմ է քվեարկել ուսանողական խորհրդի անդամների 2/3-ը:

7. ԵԶՐԱՓՈՒԿ ԴՐՈՒՅԹՆԵՐ

7.1 Ուսանողական խորհրդի անդամները, ուսանողական խորհրդի նախագահը, հանձնախմբերի անդամները, խմբերը ներկայացնող խորհուրդների անդամները իրենց հաստատության, խմբի, սովորողների ինքնավարության մարմնի անունից հանդես գալիս պետք է պաշտպանեն իրենց հաստատության և ինքնավարության մարմնի իրավունքներն ու օրինական շահերը:

1. սույն կանոնադրությամբ սահմանված լիազորությունների գերազանցման դեպքում կամ իր վրա դրված պարտականությունները անհարգելի պատճառներով չկատարելու համար: